

國清百錄卷第二

隋沙門灌頂

弊八
纂

永陽王手書屬真觀惠裴二法師第十七

陳儀同公沈君理請疏第十八

陳左僕射徐陵書第十九

陳吏部尚書毛喜書第二十

凡五
書

天台山修禪寺智顥禪師放生碑文第二

十一

隋高祖文皇帝勅書第二十二

秦孝王書第二十三

凡二
書

晉王初迎書第二十四
王治禪衆寺書第二十五
王受菩薩戒疏第二十六

王謝書第二十七
王參書第二十八

王請留書第二十九

王重留書第三十
王許行書第三十一

蔣州僧論毀寺書第三十二

述蔣州僧書第三十三

王答蔣州事第三十四

述匡山寺書第三十五

王答匡山書第三十六

王與匡山三寺書第三十七

王謝法門書第三十八

王遣使匡山參書第三十九

王重遣匡山參書第四十

讓請義書第四十九
王重請義書第五十

王從駕東嶽於路遣書第四十六
凡二書

王還鎮遣迎書第四十七

王謝天冠并請義書第四十八

永陽王手書屬真觀惠裴二法師第十七

裴

王遣使潭州迎書第四十一
王遣使荊州迎書第四十二

王入朝遣使參書第四十三

凡六書

文皇帝勅給荊州王泉寺額書第四十四

王在京遣書第四十五

凡二書

梁湘東王蕭繹門師龍出
浙江永陽王寧師事之
靜惠和南更雪寒重願禮懾不廻仰疲弟子
眩悅無理真觀法師願得入山攝慮禪寂今
以彼書仰呈裴公又正束裝待小晴適便當

就路但觀公非唯義解又誦法華旣朗慧燈
方澄定水仰惟闍黎德侔安遠道邁光猷遐
邇傾心振錫雲聚紹像法於將墜以救昏蒙
顯慧日之餘光用拯澆俗兼孔山陰捨良田
以供耕墾姚寶安捨淨財以給蘊菜禪堂行
就修緝糧廩不慮闕無諸善因緣亦各隨喜
弟子劣薄竭誠供養願勿以資待繼意徒衆
爲憂憑茲福業庶遣煩勞藉此熏修異荷冥
祐弟子陳靜惠和南
王送經像入天台

金銅坐像一軀

涅槃經一部

燭一百挺

大幡二十張

絹一百疋

淨人白石

淨人阿甘

右牒

陳儀同公沈君理請疏第十八

辨

三

菩薩戒弟子吳興沈君理和南

竊聞大乘者大士之所乘也高廣普運直至
道場復作四依周旋六道仰惟德厚深會經
文於五誓之初請開法華題一夏內仍就剖

釋道俗咸瞻延佇嘉唱燕悲利益不違本誓
耳謹和南

陳左僕射徐陵書第十九

陵書最多門人龍
詩去追尋止得三

頌書
陵和南昨預沈儀同法席餐奉甘露無畏之
吼衆咸歸伏然正法炬朗諸未悟自慶餘年

得逢妙說尋事諮展此不申心謹和南

陵和南注仰之心難可敷具拔公至蒙三月
二十日旨用慰積歲傾心麥冷體中何如願
一日康勝山中春夏無餘障惱耳逢復存首

弟子二三年來溘然老至眼耳聾閼心氣器
塞故非復在人兼去歲第六兒夭喪痛苦成
疾由未除愈適今月中又有哀故頻歲如此
窮慮轉深自念餘生無復能幾無由禮接係
仰何言敬重璪公今還白書不次弟子徐陵

和南

陵和南放生星聞公家極相隨喜事是拔公
口具謹不多諮唯遲拔公廷出數百里水全
其命根如此功德算數無盡隨喜無量此不
委諮弟子徐陵和南

陳徐陵五願上智者禪師

陵和南弟子思出樊籠無由羽化既善根微
弱冀願力莊嚴一願臨終正念成就二願不
更地獄三途三願即還人中不高不下處託
第八 生四願童真出家如法奉戒五願不墮流俗
之僧憑此誓心以榮西暮全書冊款仰乞證
明陵和南

陳吏部尚書毛喜書第二十

凡五書

累年仰系不易可言承今夏在石像行道狀
談無極又聞欲於天台營道場當在夏竟耳

學徒遠近歸依者理應轉多安心林野法喜
自娛禪講不輟耳四十二字門令附雖留多
時讀竟不解無因諮詢爲恨轉積南嶽亦時
有信照禪師在嶽徒衆不異大師在時善
公於山講釋論彼亦悒悒遙望還綱維大法
不者歸鍾嶺攝山亦是棲心之處何必適遠
方詣道場希勿忘京師邊地之人豈知迴向
傾心無時不積未因接顏色東望歎懇敬德
信人今返白書不具弟子毛喜和南

弟子諸弟及兒等悉蒙平安第二任鄱陽郡

第三爲豫章王司馬第四大廷卿第五入閣任度支郎大兒由在東宮爲中書舍人你蒙垂顧以大善知識大同學輒復遠諮

喜次書秋色尚熱道體何如禪禮無乃損德

弟子老病相仍湯藥無效兼不得自閑轉有

四八

五

困爾仰承移往佛隴求恐不復接顏色悲慨

俱深仰惟本以曠濟爲業獨守空巖更恐違菩薩普被之旨近與徐丹陽諸善知識共詳量等是一山鍾嶺天台亦何分別必希善加三思不滯於彼我京師彌可言師一二因拔

師口具其間願敬道德弟子毛喜和南喜次書適奉南嶽信山衆平安弟子有答具述甲乙後信來當有音外也今奉寄

臘香二片

熏陸香二觔

檀榔三百子

不能得多示表心勿責也弟子毛喜和南

喜又書慶講今者仰餐敷說訓徃綽然道俗嗟味般若照明豈是拙辭所能稱述弟子毛喜和南

天台山修禪寺智顥禪師放生碑文第二十

陳通直散騎常侍國子祭酒東海徐孝克撰

夫太易無體品類所以咸亨太一無名至人
於是設教仰觀俯法遠取旁求兼三以才吹
萬維物建官台鉉則五嶽作鎮辨方伯牧故

四瀆分流闢伊闢覽八紘鑒龍門陂九澤播
厥習險因之以利民相生卜洛樹之以君長
坎之時用大矣哉我皇帝作聖凝神乘圖御
籞無爲無欲道契汾陽垂拱垂衣德隆至治
辰象貞明管灰合序方外無虞海內有截被

風雅於華戎盛雍熙於曩代巍巍乎難得而
稱者也至如光啓法式榮敷道樹化彰十善
弘濟四生天台修禪寺智顥禪師蔬練自居
苦節行矣奉揚皇風總持像季禪師俗姓陳
氏潁川人也乃有媯之後焉四友驚座逖聽

六

六

多美六奇列爵世載其賢祖詮早世父起祖
梁使持節散騎常侍益陽縣開國侯禪師童
真出家聰敏易悟寓居荆峽遊化幽并自比
徂南兼行禪智禹穴將探台山是卜白鷄路
出青髓巖開攀桂結宇蕭然憩止林交五柳

既馥栴檀之氣塔現三層終縣水精之色雲
崖天樂不鼓自鳴石室金容無形留影秀嶺
巔峯浪波浩瀚洪濤蜃氣冒遠苞空巨壑喬
松千雲翳日翔集飛走叢育珍怪地中藏玉
觀曲枝而易辨淵內沉珠見圓流而可別神
通開士如意桑門振錫呪泉騰空舞鉢受丹
仙客汎急水而時來避官真人乘迴風而迴
至厥土宏麗靈誠斯在禪師福慧鑑基聲光
利益宣猛將軍臨海內史計尚兒子勲之胄
世顯方術賣藥登仙聞于昔漢剖符作守即

此明時請轉法輪講金光明經一部前雲騎
將軍臨海內史陳思展及其猶子陳要卿等
即土人也戎章衣繡優秩家邦奉屈禪師次
講法華經典白牙團扇初開律藏之門玉柄
塵尾旁闡經王之偈繫珠始訓親友醉除夢
鼓將鳴梵魔凝遣因迺雙明誠勸廣辯殃福
佛入
尚兒仍獎諭篋主嚴續祖羊公賀等羣賢凡
百君子信誓斯立丹誠恪勤白業諧辯嗟如
棠之往累歎釣濂之來緣各捨扈業及魚梁
等合六十三所二緣樹下懸唱善哉五旬座

上遙聞彈指巨海無際一時清謐衆生無邊
同荷安快掌擎世界未嘗難思手把虛空非

名希有桂陽王殿下皇枝之貴思愁間平情
崇孔釋吐懸河之旨擊節證明示半月之形
深心隨喜五侯三傑曾不間然黃髮青衿咸
同踊躍藏諸篆素青編落簡樹以貞碑芳聲
靡絕假令山止海運惠施之美猶傳龜吉筮
齒鶴勒之功無毀孝克才慚十倍學慙三餘
春秋猶久捐染截書紳畫地曾何圖寫雖
復張池並黑寧擬妙辭峴石徒刊非能墮淚

仰薰心之上善羨山水之清音寸志片言乃
爲銘曰

設位觀像剖極開渾蕩蕩爲大蒼蒼以尊
膏川浹瀆地脉河源導疏咨禹蓋取維軒
嗟乎坎德至矣坤元淳風樂土君臨御寓

明明孝治穆穆聖主道冠當今功高前古
慶協嘉瑞美均擊拊仁沾動植澤及遐宇
釋種高族身資瓢菽匪慕分圭歸心染服
七覺善誘五禪清肅無遠弗届無思不服

將軍邦宰 肩印銷罪 淑女良夫 民業珍賄
靡宏十明 寧追百倍 不見所欲 忘懷無待
各捨貨泉 同成佛海 決漭冥蒙 瞻眺唯空
屏師送雨 列子揚風 鯢鱗以比 極外之東
遠水銜日 曾波駕蓬 地上之比 山下之蒙
涇清渭濁 朝宗會同 天台維節 林泉搔屑
頂列三辰 峯危九折 瀑布高瀉 神狀殊潔
響若奔雷 皎如素雪 隆冬不凝 炎旱無竭
石橋杳邈 晨暉映徹 仰止青霄 俯臨丹穴
鳥路雲通 人途徑絕 渤澥難邊 含情泝沿

嗷嗷岌岌 萬萬千千 鼓鰓掉尾 相望自然
鱗網無挂 任釣不牽 歌艤靜搜 響俎停羶
行滿業大 弘生爲最 斷樹誠規 翳樊斯誠
嚮參靈鶴 敬康神蔡 隨感明珠 于期軒蓋
嘉會信徵 潛騰是賴 逝矣虞淵 波瀾易遷
高岸深谷 蓬海桑田 石餘幾拂 苞盡何年
大地將墮 須彌洞然 風傾金際 火及初禪
猗歟水性 報轉常圓 猶歟水性 報轉常圓
隋高祖文皇帝勅書第二十二
皇帝敬問光宅寺智顥禪師朕於佛教敬信

情重徃者周武之時毀壞佛法發心立願必
許護持及受命於天仍即興復仰憑神力法
輪重轉十方衆生俱獲利益比以有陳虐亂
辨八
殘暴東南百姓勞役不勝其苦故命將出師
爲民除害吳越之地今得廓清道俗乂安深
九
稱朕意朕尊崇正法救濟蒼生欲令福田永
存津梁無極師旣已離世網修己化人必希
獎進僧伍固守禁戒使見者欽服聞即生善
方副大道之心是爲出家之業若身從道服
心染俗塵非直舍生之類無所歸依抑恐妙

法之門更來謗讟宜相勸勵以同朕心春日
漸暄道體如宜也開皇十年正月十六日內
史令安平公臣李德林宣內史侍郎武安子
臣李元操奉內史舍人裴矩行

秦孝王書第二十三

凡二書

冬暮寒切道體何如法務勤辛有以勞念安
州方等寺奉爲皇帝修立屈法師向彼行道
甚不可言已令所司發遣供給願以熏修爲
懷不憚利涉也道深敬德遺白不具弟子揚
俊和南十二月十七日

次書傾仰每深甚熱禪師道體何如修習不
乃勞心也未由有展企結良深願珍德遣白
不具弟子楊俊和南五月十九日奉施沉香
等如別至願檢領

沉香十劖

沉香十劖

熏陸少許

右牒薄伸供養

晉王初迎書第二十四

金風御節玉露調時道體休和安樂行不法
師抗志名山棲心慧定法門靜悅戒行熏修

籍甚微猷久承音德欽風已積味道爲勞異
託舟航用披雲霧故遣使人往彼延屈希能
輕舉以沃虛襟佇望來儀不乖眷意也弟子
楊廣和南

王治禪衆寺書第二十五

辨八

深具謙挹之旨但高人遊處觸地是安然法
宇僧坊須盡嚴正經云四事供養一不可虧
已勒有司修葺願忘懷受施也弟子楊廣和
南

王受菩薩戒疏第二十六

使持節上柱國太尉楊州總管諸軍事楊州
刺史晉王弟子楊廣稽首奉請十方三世諸
佛本師釋迦如來當降此土補處彌勒一切
尊經無量法寶初心以上金剛以降諸尊大
權摩訶薩埵辟支緣覺獨脫明悟二十七賢
聖他心道眼乃至三有最頂十八梵王六欲
天子帝釋天主四天大王天仙龍神飛騰隱
顯任持世界作大利益守塔衛法防身護命
護淨戒無量善神咸願一念之頃承佛神力
俱會道場證明弟子誓願攝受弟子功德竊

以識暗萌興即如來性無明脩墜本有未彰
理數斯歸物極則反欲顯當果必積于因是
調御世雄備歷生死草木爲籌不可勝計恒
沙集起固難思議深染塵勞方能厭離法王
肇運本化菩薩譬如日出先照高山隨逗根
宜權爲方便如彼衆流咸宗大海弟子基承
十一積善生在皇家庭訓早趨貽教夙漸福理攸
鍾妙機須悟耻崎嶇於小逕希優游於大乘
喫止息於化城誓舟航於彼岸但開士萬行
戒善爲先菩薩十受尊持最上喻造宮室必

因基址徒架虛空終不成立弗揆庸慟抑又聞之孔老釋門咸資鎔鑄不有軌儀吾將安仰誠復釋迦能仁本爲和尚文殊師利冥作闍黎而必藉人師顯傳聖授自近之遠感而遂邇薩陀波輪罄體於無竭善財童子忘身於法界經有明文教爲臆說深信佛語聿遵明導天台智顥禪師佛法龍象童真出家戒珠圓淨年將耳順定水淵澄因靜發慧安無礙辨先物後已謙挹盛風名稱普聞衆所知識弟子所以虔誠遙注命懸遠延每畏緣差

值諸留難亦既至止心路豁然及拔雲霧即銷煩惱謹以今開皇十一年十一月二十三日總管金城設千僧蔬飯敬屈禪師授菩薩戒戒名爲孝亦名制止方便智度歸親奉極以此勝福奉資至尊皇后作大莊嚴同如來慈普諸佛愛等視四生猶如一子弟子即日種羅睺業生生世世還生佛家如日月燈明之八王子如大通智勝十六沙彌眷屬因緣法成等侶俱出有流到無爲地平均六度恬和四等衆生無盡度脫不窮結僧那於始心

終大悲以赴難博遠如法界究竟若虛空具

足成就皆滿願海揚廣和南

王親戒師衣物等

聖種納袈裟一緣

黃紋舍勒一賚

綿三十屯

鬱泥南布袈裟一緣

黃絲布襪一具

絹四十疋

鬱泥絲布偏袒一領

黃紬卧褥一領

布三十禪

鬱泥絲布坐褥一具

烏紗蚊幘一張

紙二百張

鬱泥絲布裙一腰

紫綻靴一量

錢五十貫

龍鬚席一領

蠟燭十挺

鬱泥羅頭帽一領

須彌氈一領

銅硯一面

高麗青坐布一具

烏皮履一量

墨二挺

黃絲布背襠一領

南榴枕一枚

和香一合

鐵錫杖一柄

象牙管一管

塵尾一柄

烏油鐵鉢一口

并

斑竹筆二管

犀角如意一柄

并

白檀曲几一枚

銅重盃三口

輸石香爐奩一具

山水繩牀一張

銅搔勞一口

銅香火匕筋一具

白檀支頰一枚

銅潔灌一口

楠榴夾膝一枚

桃竹蠅拂一柄

鐵翦刀一口

蒲移文木案并禪

犀裝爪刀一口

鐵剃刀一口

黃絲布隱囊一枚

紫檀巾箱一具

鐵鑷子一枚

白瓦唾壺一口
巾并籠

柿心筆格一枚

銅燭攀一枚

輸石裝柿心經格一具

犀裝書刀一口

白團扇一柄

師嚴教尊右四字

字爪

習惱餘氣右四字

懸針

字爪

咸登常樂右四字

飛白

字爪

能施所受右四字

字魚

字爪

戒定慧滿右四字

字篆

字爪

穀皮屏風一具

木篆籠

魚科斗瓶

白垂露倒薤等書

淨人善心年十一

大篆

右牒開皇十一年十一月二十三日

王稟戒名總持菩薩書疏
即用法諱弟子總持和南

王謝書第二十七

柳顧言還奉旨垂示六種捨施及留受用弟子一日恭覲猶以陋薄不稱宿心來旨既以轉施功德爾爲增上恭敬福田深是平等固非蔽識所能周見事事仰依其所留者既以不多願恒留受用故遣報諮謹和南

王參書第二十八

弟子總持和南爰遠來誨須往荆楚辭致首尾仰具高懷但祇稟淨戒事成甫爾宿昔凝滯匪遑諮決闇黎和尚經稱勝田種子雖投

嘉苗未植方用心形永伸供養庶憑善誘日灑塵勞凡厥共緣依止有地斯亦舟航兼運古利益弘多如來化導何必止還天竺苦薩應變本無定方深願坦然以虛受物遲延展禮

面當諮遜謹和南

謹遣參承謹和南
王請留書第二十九

開府柳顧言宣口教云智者爲當長去更有
還期弟子意不欲相去遼遠脫能旋迴不敢
留停鎮下近山隨樂住止又欲奉留待二月
十八日同度延陵鎮仍共至棲霞履行於彼
道別

王重留書第三十

弟子總持和南逮旨須取明二日垂別修復
未周便深傾歎弟子前昨晝夜熟更惟忖智
者至正以來未經一夏兼荆潭路遠安居將
健江波浩蕩行程難期既去此處又不至前

所半途結夏投止亦難又按經律一夏供養
安居僧福田無量況手師道及大衆力凡夫
淺薄本資勝緣菩薩大慈須受應供暮春行
謝首夏向臻九旬忽違四事虛棄修心與理
於情匪安今欲仰留度夏發遣冀不半途飄
露脫疑色下喧湫須依林壑安居攝山亦當
辨入
爲便若法歲將滿預勒蔣州裝船南出石頭
西浮彌易旣乘爽節因得順風去留之宜事
理咸會此間彼處仰聽擇一意不可盡辭豈
多宣謹和南三月一日

王許行書第三十一

弟子總持和南復遠今肯欲遂前心功德因
緣豈敢違忤謹遵宿願即命所司發遣發日
離辰仰聽詳擇庶解夏非遠秋水乘流賜答
來期必當無爽用茲歡喜以蠲悲敬謹和南

蔣州僧論毀寺書第三十二

奉誠寺慧文龍光寺法令光宅寺智勝等稽

首和南來見使人賣符壞諸空寺若如即目
所觀全之與破及有僧無僧毀除不少伏惟
大王菩薩植信崇明興建三尊慈仁化物豈

不弘護佛法留心塔寺但此處僧徒忽見毀

廢感懷憂懼大王雖照同朝日而聖德高遠
衆情傾仰無因簡徹伏惟智者禪師道俗歸
止有所言勸悉善爲先文等不揆庸微馳來
奉告必願運大慈悲垂爲申達冀未壞之寺

庶得安全敢藉護持輒此祈仰謹和南開皇
十二年二月八日

述蔣州僧書第三十三

今獲蔣州奉誠寺慧文律師書敬呈如別仰
惟匡持三寶行菩薩慈近年寇賊交橫寺塔

燒燼仰乘大力建立將危遂使佛法安全道
俗蒙賴收拾經像處處流通誦德盈衢街恩
滿路昔居戎在陳尚得存心況息武興文方
應光顯至如慧文所述撫剔伽藍必由在所
辨八
官人多生僻解致令外僧惶惑憂懼不寧貧

道常念無堪謬當知識若論愛惜形命豈敢
言忤公門特是佛法相關亦由香火事大意
之所爲唯憂冥道寧忘即日之身必存未來
之議若不述愚心則虛當四事復乖三稔香
火是何人乎是何人乎在所官司唯憚事辦

十六

豈慮因果將來善惡耶當願聖德尊嚴復萬
安之路福祿隆重高而不危修菩薩行棟梁
佛法牆漸三寶澤覃四海風芳萬代若謂寺
多州少國或不聽方便善權仰由安立若須
營造治葺城隍江南竹木之鄉採伐彌易仰
希弘紹提拔將沉故寺若存新福更長冀蒙
矜允幽顯沾恩法事仰干追深愧踏沙門某

敬白三月十一日

王答蔣州事第三十四

弟子總持和南爰逮高旨騰蔣州僧所及竊

以僧居望利食惟分衛所立精舍本依聚落
近年奉詔專征弔民伐罪江東混一海內人
寧塔安其堵市不易業斯亦智者備所明見
辨八
而亡殷頑民不慚懷土有苗恃險敢恣蝗蠍
橫使寺塔焚燒如比屋流散鐘梵輟響鷄犬

不聞廢寺同於火宅持鉢略成空返僧衆無
十七
依實可傷歎彼地福盡方成丘墟所餘堂塔
本不壞毀其有現僧亦許房住唯虛廊檐宇
會當倒壓所以移來還充寺館其外椽版權
借築城若空寺步廊有完全者亦貸爲府廨

須一二年間民力展息即於上江結筏以新
酬故本勒所司具條孔目無慮零漏恐遠僧
未能曲見頓用仰誣必願言提冥諸其掌猥
延滿軋戀側良深謹和南

述匡山寺書第三十五

江州匡山東林寺者東晉薦門慧遠法師之
所創也遠是彌天釋道安之高足安是大和
尚佛苗澄之弟子三德相承如日月星真佛
法梁棟皆不可思議人也而遠內閑半滿外
善三玄德布遐方聲高霄漢初詣山足依止

一林共耶舍禪師頭陀其下若說若默修西方觀未於林右建立伽藍因以爲名東林之寺遠自創般若佛影二臺謝靈運穿鑿流池三所梁孝元構造重閣莊嚴寺宇即日宛然峯頂寺者是齊慧景禪師感山人延請因棲

歲爲日羨翫忘勞然山下伽藍偏近驛道行人歸去頗成混雜今奉請爲兩寺檀越庶藉影響衆得安心禮誦虔誠用醉洪澤并乞勒彼所由永禁公私停泊沙門某敬白

王答匡山書第三十六

弟子總持和南垂誨述江州潯陽廬山東林泉忽然枯涸歸燒香呪願清流盈滿天降甘露於泥洹日是以先德名蹤垂芳不斷松霞清曠觸處蕭條公私往還莫不歸向自大化江左貧道因至彼山憩泊東林時遊峯頂以

弟子總持和南垂誨述江州潯陽廬山東林寺峯頂寺須令弟子並爲檀越主山嶺盤秀下屬江湖香爐層峯上衝雲日仙人之所戾止隱倫於焉不歸況乎慧遠法師勝依結構謝客梁元穿池重閣景師息心神應峯頂智

者憩歷踵武前賢師嚴道尊實深隨喜所恨寡薄無益將來庶藉熏修方證常樂兼陳二

寺偏近驛道行人往來頗成混雜須勒彼州令去公私使命不得停止即付所司依事頒下謹和南三月一日

王與匡山三寺書第三十七

極暄法師道體何如衆內咸宜也鴈門遠法師四依菩薩翻飛朔野棲息南山自斯以後名德相繼智者見今爲寺檀越顧修寡薄非敢克當獎導旣引良深隨喜敬德指此承問

楊廣和南三月二十一日

與禪閣寺書

春序將謝道體何如僧衆清善匡山佛寺興自慧遠法師法師師於彌天道安安師於佛圖澄妙德相承莫之爲最江東龍藏悉本鴈

第十八

門鴈門上人創迹廬阜自梁及晉止有東林

十九

陳晚澆漓別生禪閣僧徒好異豈稱至和智者爰居還須合一想均願海更無異味行人將送過指此相聞楊廣和南三月二十一日

與峯頂寺書

暮春暄和寺衆清勝禪悅法喜致足恬懷鑪

峯香氣煙霞共遠智者經託勝地爲在總內
令爲擅越誠深隨喜更追厚愧善當敬勗揚

廣和南三月二十一日

王謝法門書第三十八

弟子總持和南奉旨今日齋竟即事登舟睽
阻方遙彌以傾欵垂示法相雖文旨淵贊源
本難尋而教門方便開悟易益恭承善誘求
以受持庶藉津梁得無退轉自服膺至道每
沾弘護將事違途復降良藥沐浴慈被伏用

懷荷謹和南

王遣使往匡山參書第三十九

弟子總持和南親信傳仲詵還逮去月朔告
用慰延結熱猶熾願道體休和仰承經過攝
山鍾岫寺塔安善徒衆和肅仍留二十僧權

停開善進至匡嶽結夏安居東林禪閣還爲
一寺峯頂精舍復皆隨喜敬緣勸發獲此熏
修用躋身田方流法雨光明福喜荷彌深
弟子去月十四日始度朱方風土異宜流金
在節攝衛多不調適每有劣然二十九日來

石頭稍已平復自江浦違心馳情彭蠡以日

爲歲無時暫忘願未解夏前預整裝束法歲

若滿即事西浮彼間酬願務今在促非但弟

子蔽識希護周爰深恐禪慧學徒咸思鑽仰

宣尼在陳致歎昇入自衛便歸屈道紓情事非爲

已今遣主簿王灌指主簿王灌往承并貢別牒用忘

存省敢略繁辭謹和南七月一日

法衣六件

鹽一百斛

米一百斛

右件其鹽米悉出江州正倉王灌賣合魚開

送

王重遣匡山參書第四十

弟子總持和南東林山寺使至逮八月八日

誨用慰馳結仰承已往衡山至當稍久法緣

若竟願即沿流冀在歲陰必期展覲弟子渡

江還去月初移新住多有造次未善安立來

旨勗以法事實用慚悚始於所居外援建立

慧日道場安置照禪師以下江陵論法師亦

已遠至於內援建立法雲道場安置潭州覺

禪師已下即建深善輒以諮詢仰承相次爲

營功德深荷扶助難用遠陳而發此至江州
遂下請僧料云何能得相資前施鹽米其米

迴入東林鹽以上路盈長之外乃可別營功

德今山僧返路行用仰酬尋別遣使迎延願
預整歸計江山遼夐豈盡誠曲謹和南十月

十八

二十一

十日

王遣使潭州迎書第四十一

弟子總持和南幸云暮寒氣殊重禪悅經
行願常安樂弟子頃來每多勞疾但睽覲稍
久唯用傾結仰度所營功德已當究竟今遣

左親信伏達奉迎願便事訟流延遲訟兵謹
和南十一月十五日

王遣使荊州迎書第四十二

弟子總持和南暄和道體勝念仰揆衡獄法
事久當圓滿江陵功德復應成就隨喜之至
難用勝言弟子今入朝覲行次陝州馳仰之
誠與時而積故遣使人迎候希便進道來月
下旬唯遲抵接路首忽促豈復委宣謹和南

二月二十二日

王入朝遣使參書第四十三

凡六

弟子總持和南仰違移歲馳誠載勞兼事入朝彌增延屬武關雖阻荆近於吳是以暫停陝州遣使承接行人返命具奉覲縷非唯年

尊疾動又以結夏安居理事相推固須停止弟子還鎮非久便願訟流仰會江都庶應旦夕將聖德果亦復差機因緣多端
不勞慮謹和南九月十日

弟子總持和南僧使智遠來奉五月二日誨用慰馳結仰承衡嶽功德圓滿便致荊巫履涉衝和深以傾悚弟子於江都入朝至陝開

眩籍停岐陽腹內又不調適去月末還京輦如欲相承猶自羸爾未即祇觀望雲庭願珍納行人今返辭豈宣具謹和南

弟子總持和南奉旨於荊州當陽縣境玉泉山陸爲建造伽藍招提行道圖寫地形具以賜示伏以布金徧地買園建立奉置三尊永流萬代唱誦所不能讚筭數所不能量孰意輕微頗蒙創造循復來旨爽然失厝旣事出神心理生望表無容違拒苟作形迹即具聞奏嘉號乃單名符天冠道場聲滿恒沙世界

福報仰歸遜辭難涉謹和南

弟子總持和南垂旨令撰衡嶽禪師碑文
有道之無愧辭高德逾此陸士衡之披文想
質弟子多慚既蒙獎成不無勗勵邯鄲絕妙
深恐難工還鎮病瘳無或勉強倘覽行狀用
難思議佛澄道安寧復過是和南

之言無勞外假萬春表長生之稱二翼合善
曆之辭永服周旋恒充布薩常事半月豈唯
元日著如來衣深荷慈獎謹和南

弟子總持和南率施別牒五彩旛錦香爐檀
等十種示表微誠薄申法貺渺陋追悚謹和

十八

三十三

南

五色四十九尺旛二張

五色斑羅經巾二枚

綃五十疋

錦香爐檀十張

薰陸香二觔

剃刀十口

鴉納袈裟一領

弟子總持和南垂賜萬春樹皮袈裟一緣述
是梁武帝時外國唯獻四領今全一而是建
初烏瓊法師所披謹尋菩薩戒稱所著袈裟
皆染使壞色況復自然嘉樹妙彩天成相應

油鐵鉢十四

雄黃七觔

青須彌龜五領

右牒

文皇帝勅給荊州玉泉寺額書第四十四

皇帝敬問修禪寺智顥禪師省書具至意益

欵餘熟道體何如熏修禪悅有以怡慰所須
寺名額今依來請智達師還指宣往意開皇
十三年七月二十三日兼內史令蜀王臣秀
宣內史侍郎武安子臣李元慳奉內史舍人
長坦男臣鄭子良行

王在京造書第四十五

凡二書

弟子總持和南適遠近旨用慰馳情春暄願
遙傾遲慶禮暮春屆節當遣奉候謹和南九

月二十四日

王在京重遣

弟子總持和南適遠近旨用慰馳情春暄願
道體康勝玉泉創立道場嚴整禪衆歸集靜
慧日新隨喜之深難以辭諭弟子始服三石
散竟調息勞心秋仲歸番請夏訖讼下在於
拜覲差當匪奢其間珍德今遣統軍魯子譽

徒祇承謹和南

王從駕東嶽於路遣書第四十六

凡二書

弟子總持和南仲秋轉冷仰惟道體康愈弟子即日粗可行未由虔禮但增延結願珍德謹遣修承謹和南

廿八

二十四

於路次書

總持和南寒氣漸嚴仰惟康豫動寂怡神興居安悅弟子陪奉鑾駕旅次長奉遠憑勝力行徃安隱瞻言祇觀庶或匪遙願珍重此不宣具謹和南十月十九日

王還鎮遣迎書第四十七

弟子總持和南獻歲春明仰惟道體勝豫禪悅法喜衆咸集業功歸有在悉由明導敬憶江都暫欲西上先到衡嶽用賽師恩次往諸宮以報生處虔承此旨衛送大江陽子臨流具申來請即蒙開許還至觀瀟年來歲徃寒暑屢變恭聞功德圓滿遠難謗述弟子多幸生在佛家過庭所聞匪直詩禮轉輪斯奉實惟旦暮今者陪扈鑾輶發自京師言停洛陽又止歷下榮望之禮本自虞書廵會之聲盛

於姬典至尊憲章先古允叶人神相風指南

奉朝東岱以今月十一日吉辰宗事云畢于

時天地載廓日月增華休氣神光燭近被遠
靈芝競吐山谷連木並秀宮壇瘡聲矟壁之

第八

二十五

徒無醫而自愈扶老携幼之侶不謀而同到

臣子殫見事非虛飾一物得所萬里斯應師

資至重敢不稍聞第率從便蕃即辭行所夾
鍾將未必届楊州今遣奉迎便願訟下餘春
未盡必希拜覲其間珍德續復祇承謹和南

正月二十日

王謝天冠并請義書第四十八

總持和南前揆菩薩天冠率爾式之樣深嫌

不工即用呈簡爰逮今製思出神衿圖比目
連妙逾郢匠開士五明此居其一金剛種智
茲焉標萬是智因地化物不可思議接引隨

方奚能盡達冠尊於身端嚴稱首能承頂戴

覽鏡徘徊有飾陋容增華改觀弟子多幸謬
稟師資無量劫來悉憑開悟色心無作觸仰

勝緣度脫舟航何慮不果但戒爲基址信實
行先保解毗尼昔年虔受身雖踈漏心護明

珠而定品禪枝屏散歸靜猥以凡薄荷國鎮
蕃爲子爲臣難衝難怠豈藉四緣能入三味

此非臆斷實荷誠說經稱非禪不智非智不
禪定解相資能證無漏又電光斷結其例甚
多慧解脫人厥朋不願即日欲服膺智斷率

先名教永汎法流兼同治國未知底滯可開
化不師嚴道尊可降意不宿世根淺可發萌
不菩薩應機可逗時不若未堪敷化且暫息
緣如可津梁便開祕藏書云民生在三事之
如一況覃釋典而不從師今之憮言備瀝素

教成就事重請棄飾辭謹和南六月二十一
日

讓請義書第四十九

答爰逮累翰殷勤至法匹夫行善止度一身
仁王弘道含生荷賴蓋登地菩薩應生大家
所以發心與隆大道曷可量也孰可比哉貧
道山僧本懷夙至於天台舊居言念無捨庶
因世境安樂更得寄趾幽林仰爲行道非唯
城邑近歲謬承人汎擬迹師資顧此疎蔽似
非時許況聖澤日隆復垂令命省諸庸鄙彌

白

三重請義書第五十

匪克堪貧道稟承師教禪慧頗持耳去眼流
如華土水採聽經論其功既淺賴荷禪門憑
定修習比於專學數論區分理乃弗違業乖
至熟自非如來明達種智高圓擅林殊能誰
肯雙揖況乎去聖滋遠曉悟甚微徒欲承恩
懼乖深寄有招幽譴兼衝聖德特願更迴神
慮別俟勝賢謂承芳因使無斷絕經稱一句
染神歷劫不朽大智慧海信爲能入固知深
解大乘佛法久住功德易滿智慧最高守質
抱愚仰希聽覽徒申庸俚終不自宣沙門某

弟子總持和南仰逮還旨猶秉謙尊衍復久
之悅如自失切以學貴承師事推物論歷求
法緣曆心有在若習毗曇則滯有情著若修
第十八三論又入空過甚成實雖復兼舉猶帶小乘

釋論地持但通一經之旨如使次第偏修僧
家尚難盡備況居俗而欲兼善當今數論法
師無過此地但恨不因禪發多起諍心達者
無違求那明偈仰惟厚習善根非一生得初

乃由學儀逢聖境南嶽禪師親所記荊說法
第一無以仰過照禪師來具述此事于時心
喜已域寸誠智者昔入陳朝彼國明式瓦官

不依請譬彼彌勒今當問誰唯願未得令得
未度今度樂說無窮法施無盡復使顧言稽
首虔拜謹和南六月二十五日

國清百錄卷第二

音釋

之始便事勝集屈登無畏釋難如流親所聽聞衆咸瞻仰適承前往荆楚講法華經舊學名僧莫不歸服故知非禪不智驗乎金口比聞名僧所說智者融會盡有階差譬若羣流歸乎大海此之包舉始得佛意弟子即日而

纂 作管切 索繡切 目極之肯切 **澆** 堅堯切
縑 緜集也 **眩** 繁繡切 目極也 **轂** 故也 **澆** 切薄
也 **蘋** 子余切 **緝** 七入切 **澆** 克合切 軒朱劣
淹 淹菜也 **緝** 修補也 **澆** 奄忽也 **轂** 切止
也 **憇** 莫因切 **轂** 胡育切 **讖** 楚禁切 **簾** 古謚
心鬱 也 **紩** 切 **讖** 符謚也 **簾** 埤古謚
時 **吏** 切誅 **蒐** 猶蒐疏鳩切 春獵也 **寓** 戲諸
立 號也 **蒐** 猶蘇典切 秋田也 **弋** 天諸

永樂北藏

國清百錄

第一六七冊

